

# HOËRSKOOOL



# VREDENDAL

Posbus 185  
VREDENDAL  
8160  
Tel: 027 213 1050  
Faks: 027 213 1050

Grensstraat 8  
VREDENDAL  
8160  
[admin@hsvdal.co.za](mailto:admin@hsvdal.co.za)  
[skoolhoof@hsvdal.co.za](mailto:skoolhoof@hsvdal.co.za)

26 April 2023

## Uit die kantoor

### Atletiek

Anli Engelbrecht, graad 10 leerder en dogter van Wouter en Jackie Engelbrecht, is gekies om Suid-Afrika in Ndola, Zambië by die Afrika-spele te verteenwoordig in die spiesgooi vir dogters o/18. Die byeenkoms vind plaas vanaf 29 April tot 3 Mei. Anli vlieg vandag na Johannesburg waar sy Woensdag, 26 April haar klere sal ontvang by die lughawe. Sy vlieg Donderdag na Lusaka waarna sy 3 ure per bus sal ry na Ndola waar die kampioenskappe plaasvind. Ons wil haar alle sterkte toewens en glo sy sal ons skool, dorp en land se naam hoog hou.

Ons is BAIE TROTS op jou. Go Anli!



## Sport vs Vredenburg

Hoërskool Vredendal het op Saterdag, 22 April teen 'n sterk Hoërskool Vredenburg te staan gekom. Ons leerders het vroeg Saterdagoggend met 2 busse vertrek na 'n baie nat en koue Vredenburg.

Die netbaluitslae is as volg:

Ons o/14C-span verloor 5 - 14 en ons o/15C- verloor 3 - 13 teen hulle o/16C-span. Ons o/16B-span verloor 7 - 20. Die o/14B- en o/15B-span wen hulle wedstryde 26 - 0 en 12 - 8 onderskeidelik en die o/14A-span wen 21 - 4. Die o/19C- en D-spanne het dwarsdeur die reën gespeel en die elemente trotseer, hulle wen 24 - 11 en 13 - 9 onderskeidelik.

Die o/16A-netbalspan het ten spyte van die reën goeie vegges getoon en Vredenburg 12- 6 gewen. Die o/15A-span het moeilik begin en gesukkel om hulle ritme te kry. Hulle het hard baklei om die wedstryd 16 elk te eindig. Ons o/19B-span het halftyd met 'n paar doeles agtergeloop en het met 'n verbete stryd geveg en met uitstekende samespel met 1 doel gewen 16 - 15. Ons o/19A-span het hulle self baie goed van hul taak gekwyf en was met ongeveer 5 minute speeltijd 1 doel agter, maar moes uiteindelik die knie buig teen n baie fikse Vredenburgspan en verloor die wedstryd 25 - 34. Ons sien uit na die res van die seisoen.

Die rugbyuitslae is as volg:

Die o/15-rugbywedstryd het moeilik en hard begin met 'n gemengde span wat saamgestel was. 'n Vinnige drie wat teen ons gedruk is, het die seuns laat terugveg en WJ Weideman het gedruk na 'n goeie terugvegpoging van die voorspelers. In die tweede helfde het ons stoom stadig maar seker minder geraak met 'n paar beserings en het ons nog twee drieë afgestaan. Na 'n lang tweede helfde waar ons seuns aanhou veg het en nooit gaan lê het nie, was die eindtelling 21-7 vir Vredenburg.

Die o/19B-span het baie hart en gees gewys met 'n span wat omvergegooi was deur siektes en beserings, maar kon nog steeds nie die mas opkom teen 'n sterk Vredenburg span nie en verloor die wedstryd 0 - 18.

Die o/16-span het teruggestaan vir nikks en het van die 1ste minuut gewys wie is baas, selfs met 'n span wat sonder 6 van sy oorsprongklike spelers gespeel het weens siektes. Hulle wen die wedstryd 21 - 7. Rolf Ackerman is aangewys as speler van die wedstyd.

Ons eerste rugbyspan het die wedstryd begin deur af te skop en saam met die wind en reën te speel. Deur 'n paar fases wat opgesit is, het Branwill Arries in die hoek oorgegaan vir ons eerste drie. Die span se tweede drie het gekom deur 'n fantastiese lynstaanbeweging waar Hansie Coetze die keer oor die doellyn gedruik het. Hulle het en halftyd ingegaan 12 - 0. In die tweede helfte het ons fokus verloor vanaf die afskop en toegelaat dat Vredenburg twee drieë druk. Ons vegges het weer opgetel nader aan die einde en Theunis Roux het oorgedraf vir die span se laaste drie en ons wen die wedstryd 19 - 10. Franco van Zyl is aangewys as speler van die wedstyd.

Baie geluk aan al die spanne. Trotse Dallers!









## **Rugby**

Vyftien van ons seuns het op Maandag, 24 April aan die Boland-rugbyproewe te HS Swartland deelgeneem. Tien van ons seuns het vir die Noordwes-Boland se o/16-span uitgedraf en vyf vir die o/18-span wat teen Sentraal se spanne gespeel het. Die seuns het hulle harte uitgespeel in spanne waarmee hulle nie bekend is nie en hulle goed van hulle taak gekwyt. Welgedaan manne en sterke vorentoe.

Die volgende spelers het deurgedring na die volgende rondte proewe wat op 2 Mei te Wellington plaasvind:

Paul Liebenberg	o/16
Dillen Theron	o/16
Rolf Ackermann	o/16
Armand Potgieter	o/16
Jaco-Willem Greeff	o/16
Sihlangulwe Mpahla	o/16



## **Sport vs Clanwilliam Senior Sekondêr**

Hoëskool Vredendal het op Dinsdag, 25 April teen 'n sterk en kompenterende Clanwilliam Senior Sekondêr te staan gekom. Daar het drie rugby- en netbalspanne die dag gespeel waarvan ons 2 uit die 3 netbalwedstryde gewen het en 1 uit 3 by die rugby gewen het. Baie dankie vir elke leerder se harde werk en Dallergees.

## **Hokkie**

Op Dinsdag, 25 April het Nicola de Wet, Sonja Smith, Carla Engelbrecht en Caitlyn Sinclair aan Bolandhokkieproewe deelgeneem. Die vier dames het met Dallertrots hulle harte uitgespeel.

Geen uitslae is al bekend gemaak nie, maar ons glo om goeie nuus te ontvang. Ons is trots op elkeen van hulle.

Ons wil ook graag die volgende ouers bedank wat vrywilliglik borge gegee het. Eerstens 'n groot dankie aan Chris-Mari Smith wat vir die span en afrigters verblyf gereël en betaal het vir die proewe wat op Sondag, 23 April sou plaasvind. 'n Tweede dankie aan Carlinke Engelbrecht wat die leerders op Dinsdag, 25 April Paarl toe geneem het en ook aan Renier Engelbrecht wat die brandstof geborg het. Dankie aan elkeen van u vir die bydraes.



## Skaak

Saterdag was ook 'n eerste vir ons skaakleerders toe hulle saam met die rugby en netbal teen Vredenburg gaan kragte meet het. Die nege leerders het in totaal 40 borde gespeel en baie ver gewen. Ons gaan beslis hierdie wedstryde op 'n baie gereelder basis speel.

Welgedaan Dallers!



**Hoëskool Vredendal die tuiste van Trots Dallers.**